

醫宗金鑑

卷八至
卷十一

肩部

肩中疽 乾疽 過肩疽

肩疽癰發正肩中疽硬黑陷癰腫紅乾疽肩前過肩後風溼積熱血瘀凝(註)此疽生於肩中廉屬三焦膽二經紅活高腫一名疣癰堅硬平塌為肩中疽肩之前廉屬大腸經名乾疽一名疔疽肩之後廉屬小腸經名過肩瘡勢無論大小惟在發源之處命名總由溼熱風邪鬱成亦有負重瘀血凝結而成高腫紅活焮熱速潰者順若平塌堅硬無紅無熱潰遲者險甚則腫痛連及臂胛口噤寒戰大痛不食或兼綿潰便瀉者逆治法初起有表證者俱宜荊防敗毒散汗之有裏證者內疏黃連湯下之汗下之後腫痛不退膿勢將成宜用託裏透膿湯膿熟開之至於引經之藥惟在臨證時因經加之潰後內外治法俱按癰疽潰瘍門

肩中疽圖



肩中疽生肩正中左右皆同

圖 疽 乾



乾疽生在肩前廉左右同

圖 疽 肩 過



過肩疽生在肩后廉左右皆同

荆防敗毒散 見頂部

內疎黃連湯 見腫門

託裏透膿湯 見頭部

膠疽 肩風毒

膠疽肩後腋外生小腸肩貞風火凝肩風毒生臄端上大腸肩隅風溼成(註)膠疽生於肩之後下腋之後外微上岐骨縫之間經屬小腸肩貞穴由風火凝結而成初起如粟堅硬樹痛肩臄拘急不能舉揚初服荆防敗毒散便燥實者服雙解貴金丸雙解之肩風毒生於肩稍臄上骨尖處經屬大腸肩隅穴由邪風深襲骨縫與溼稽留化熱而成初起宜腫色赤大者如桃小者如杏痛連肩臄更兼拘急初服蜀痛無憂散汗之即消若腫痛日深不能盡消者膿勢將成也宜服託裏透膿湯二證潰後內外治法俱按癰疽潰瘍門

蜀痛無憂散

- 番木鱉 香油
 - 蒼朮 米泔水
 - 當歸 酒洗
 - 半夏 各二兩製
 - 甘草 各二兩生
 - 威靈仙 一兩
 - 麻黃 三兩
 - 穿山甲 陳土炒
 - 川烏 黑豆酒煮去皮尖
 - 草烏 薑汁
- 各製為末共和勻每服五七分至一錢無灰酒調服再飲酒

膠 疽 圖



膠疽在肩之后下腋之后外層岐骨縫間左右同

肩風毒圖



肩風毒生在肩稍骨縫中左右皆同

為度蓋臥出汗避風此方加鬪羊花四兩亦治頭風痛

〔方歌〕獨痛無憂肩風毒風襲骨縫與溼凝番繁歸草麻黃甲川芎烏蒼半威靈

荆防敗毒散

見項部
腦疽

雙解貴金丸

見腫
癰門

託裏透膿湯

見頭部
腦疽

樂疽

樂疽肩前腋上生骨縫開合凹陷中堅如鵝卵痛入骨包絡血熱氣鬱成〔註〕此證生於肩前腋之上骨縫開合空凹陷中初起如椒子漸腫堅硬大如鵝卵按之疼痛入骨屬包絡經血熱氣鬱而成其證屆期潰破出稠膿腫消者順月餘不潰既潰出清水腫硬不退者逆初宜服神授衛生湯若惡風太過倍加葱白汗之次服託裏透膿湯潰遲者十全大補湯潰後內外治法俱按癰疽潰瘍門

神授衛生湯

見腫
癰門

託裏透膿湯

見頭部
腦疽

十全大補湯

見潰
癰門

樂疽圖



樂疽生在肩前下腋前外之上骨絡開合空凹陷中左右皆同

臙部

肘曰臙至臙附臙包毒

臙癰

臙癰肩肘週匝腫色赤焮疼粟蘊癰藕包毒狀鴨鵝卵臙內三陰外三陽〔註〕此證由風癰或風火凝結而成生肩下肘上週匝漫腫色赤焮癰初起狀如粟米一攢亦有起一粒癰疔瘡者漸次焮腫紅熱畧膿痛甚紅腫之外無暈者順有二暈者險三四暈者逆腫發臙內或臙外結腫一枚如桃如鴨鵝卵者名藕包毒毒者癰之輕證也臙癰藕包內外治法俱按癰疽腫瘍潰瘍門此癰毒發苗之處若在臙者屬手三陰經在臙外者屬手三陽經隨證用引經之藥必然獲效

圖 癰 腦



腦癰在肩之下肘之上過匝漫
腫色赤裏外廉俱生左右腦同

圖 毒 包 藕



藕包毒生左右腦部不拘裏外廉俱可以生

魚肚發圖

魚肚發在臚部之后垂肉焮腫赤



魚肚發

魚肚發如魚肚形青靈穴生心火凝暴腫紅活焮熱痛癰疽治法即成功〔註〕此證生於臚之後垂肉處屬心經青靈穴由火毒凝結而成暴腫色赤焮熱疼痛形如魚肚腫潰治法俱按癰疽腫瘍潰瘍門其引經之藥惟在臨證加之

石榴疽

石榴疽起肘尖上粟炮根開堅腫疼破翻如榴寒熱甚三焦相火與溼凝〔註〕此證生於肘尖上寸餘屬三焦經天井穴初起黃粟小炮根脚便覺開大色紅焮腫堅硬疼痛腫如覆盃破翻如榴寒熱如瘡由三焦相火與外溼相搏而成初起宜蟾酥丸汗之外以艾灸九壯貼蟾酥餅用萬應膏蓋之焮腫處敷沖和膏服菊花清燥湯煩躁熱甚者服護心散九日後作稠膿痛減喜食表裏證俱退者順反此者逆破後用菊花蕊煎湯洗之次以菊花燒

石 榴 疽 圖



石榴疽生在肘尖之上寸餘堅硬色紫左右肘同

灰存性加輕粉少許兌勻敷之神效至透膿脫腐生肌時內外治法俱按癰疽潰瘍門

菊花清燥湯

甘菊花 二錢

當歸

生地

白芍 酒炒

川芎

知母

貝母 去心

地骨皮

麥冬

各一錢
去心

柴胡

黃芩

升麻

犀角 鎊

竹葉二十片 燈心二十寸 水二鍾 煎八分 食後溫服

〔方歌〕菊花清燥石榴疽腫硬焮紅痛可醫四物柴芩知貝草升麻地骨麥冬犀

蟾酥丸

蟾酥餅

即蟾酥丸料捏成餅見疔瘡門

沖和膏

護心散

併見腫瘍門

肘癰

肘癰發於肘圍遠高腫焮熱赤紅疼心肺稽留風邪火勢小為疔大為癰〔註〕此證生於肘之圍遠暴發高腫焮

熱色紅疼痛由心肺風火之邪稽留凝滯而成形勢小者為癰毒形勢大者為癰初服荆防敗毒散汗之次服白芷升麻湯

白芷升麻湯

白芥 二錢半生

半酒炒 連翹 二錢

黃耆 三錢

白芷 八分

升麻

桔梗 各五分

紅花 酒洗

甘草 各三分

分炙 酒水各一鍾煎八分食遠熱服

〔方歌〕白芷升麻醫腫痛解熱除煩託肝癰芥翹桔梗紅花草黃耆酒水各一鍾

荆防敗毒散

見項部

二味拔毒散 見腫瘍門

肘癰圖



肘癰生在肘之圍邊赤腫左右肘同

臂部

自肘至腕曰臂

臂癰 附疽

臂癰臂疽遠臂生平紫硬疽紅腫癰榮衛風邪逆肉理甚則拳縮徹骨疼〔註〕此證生臂外側屬三陽經臂裏側

屬三陰經高腫紅活焮痛潰速者為癰平陷紫暗堅硬木痛潰遲者為疽俱由榮衛不週感受風邪逆於肉理而成初起形如粟粒憎寒壯熱宜服荊防敗毒散汗之焮痛煩熱宜服白芷升麻湯消之膿勢將成宜服託裏透膿湯膿熱之若疽證木痛無紅無熱此屬氣血兩虛無論已潰未潰宜服十全大補湯託之潰後內外治法俱按癰疽腫瘍潰瘍門若拳縮筋不能舒疼痛徹骨者係潰深傷脈也屬逆

臂癰赤腫臂疽堅硬不拘臂之裏外廉皆可以生左右相同

臂癰圖



荊防敗毒散 見項部 癰疽

白芷升麻湯 見腦部 癰疽

託裏透膿湯 見頭部 癰疽

十全大補湯 見潰瘍門

腕癰

腕癰三陽風火凝手腕背面結癰形高腫速潰順易治腐爛露骨逆難功(註)此證生於手腕背面屬手三陽經由風火凝結而成高腫紅活在十四日潰破膿出痛減者順而易治手腕乃皮肉澆薄之處若遷延日久不潰或漫腫平塌既潰腐爛露骨者逆難於收功初服荊防敗毒散汗之外用太乙紫金錠敷之膿成將潰即按癰疽腫

瘍潰瘍門治法

荆防敗毒散 見項部
腦疽

太乙紫金錠 見胸部
脾發疽

腕 癰 圖



腕癰生在手腕背面高腫色紅左右相同

兌疽

兌疽生腕動脈間堅硬漫腫兌骨邊痛徹手膊為險證本屬肺經穴太淵(註)此證生於手腕裏面橫紋前稍動脈之間兌骨裏側屬肺經太淵穴由憂思氣滯風火結成堅硬漫腫疼痛徹骨手膊不能轉動此動脈處乃肺經門戶若發此疽或潰深大洩肺氣最為險候內外治法俱按癰疽腫瘍潰瘍門

穿骨疽

穿骨疽生間使穴掌後三寸包絡經堅硬漫腫因蘊熱毒盛潰深穿骨疼(註)此證生於間使穴處在掌後橫紋上三寸兩筋陷中屬包絡經蘊熱凝結而成初起如粟漸增堅硬漫腫微紅舉熱疼痛應期速潰者順若潰破遲緩膿毒潰穿骨縫從臂外側出膿者險內外治法俱按癰疽腫瘍潰瘍門

骨蝟疽

圖 疽 免



免疽在手腕裏面橫紋前稍動脈之間左右同

圖 疽 骨 穿



穿骨疽生在掌后橫紋上三寸左右相同

骨蝮疽生臂外廉經屬陽明憂怒纏瘡疹根束多善順紫暈腐串七惡難〔註〕此證生於臂外側前廉大骨之後屬手陽明大腸由憂鬱暴怒凝結而成初如粟豆旬日大如桃李腫硬疼痛瘡根收束多見五善之證者順若紫暈開大腐爛斑點串通肌肉抽搐拘急多見七惡之證者逆始終內外治法俱按癰疽腫瘍潰瘍門

骨 蝮 疽 圖



骨蝮疽生在臂外前廉色紫左右同

蝮 蛄 串

蝮蛄串生臂內中思傷脾氣包絡凝筋骨如中流矢痛內潰串孔似漏形〔註〕此證生於臂內中廉屬包絡經由思慮傷脾脾傷則運化遲故生濁液流於肌肉脾氣滯鬱不舒凝結而成此患初起筋骨如中流矢疼痛漸增漫腫堅硬不紅不熱連腫數塊臂膊不能轉動日久其腫塊漸次潰破孔孔時流白漿內潰串通諸孔外勢腫硬不消膿水淋漓如漏虛證悉添如面黃食少削瘦甚則午後寒熱交作而成敗證也初起宜服逍遙散外敷太乙紫金錠次服人參養榮湯調和氣血扶助脾胃十中可保二三潰按癰疽潰瘍治法若投藥不效者屬逆

圖 串 蛄 螻

螻蛄串生在掌后橫紋二寸左右相同



逍遙散 見背部 上搭手 手部

太乙紫金錠 見胸部 脾發疽

人參養榮湯 見潰瘍門

手發背

手發背初芒刺形三陽風火與溼凝堅硬潰傷筋骨險高腫速潰易收功(註)此證生於手背屬手三陽經由風火與溼凝滯而成初起形如芒刺漸覺疼痛高腫紅活焮熱潰速為癰若漫腫堅硬無紅無熱潰遲為疽其證無論形勢大小但潰深露筋骨者難痊初俱宜服羌活散汗之次服內疎黃連湯清之其餘內外治法俱按癰疽腫瘍潰瘍門

手發背圖



手發背兩手皆同

羌活散

羌活

荆芥

〔方歌〕羌活散醫手發背除溼發汗把風追升麻前獨荆歸草烏藥威靈桔桂隨

掌心毒

掌心毒生赤腫疼經屬包絡積熱成偏於掌邊名穿掌初宜發汗次宜清〔註〕此證生於掌心赤腫疼痛屬包絡經勞宮穴積熱而成若偏於掌邊名穿掌毒一名穿埂毒又名鷓鴣初起治同手發背其餘治法俱按吊疽腫瘍潰瘍門

虎口疽

附合
谷疔

當歸

桔梗

獨活

烏藥

威靈仙

升麻

前胡

錢各二

錢各一

甘草

五分

肉桂

三分

酒水各一

鍾煎一

鍾食遠服

見腫
瘍門

虎口疽圖

掌心毒圖

虎口疽兩手皆同



掌心毒兩心皆同